



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 12. Mandata Episcopis data.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Nicolao facta admodum exitialis fuit Sæcul. XVI.
 Joanni Troghmortono ejus fratri, qui A.C. 1554.
 extremo supplicio afficiebatur, eo quod
 ejus crimen per ipsas rationes, quibus
 alterius innocentia vindicabatur, ma-
 nifestum fieret. Ceterum Elisabetha
 haud diu in Turri detinebatur; quippe
 a Præfecto perbenigne habita die de-
 cima sexta Maij Woldstockium defere-
 batur, cujusdam Viri, a quo tamen
 durius habebatur, custodiæ tradita,
 ubi etiam usque ad Reginæ Mariæ obi-
 tum hæere compellebatur.

§. XII.

Mandata Episcopis data.

Sedatis omnibus hisce tumultibus, Re- Act. publ.
 gina Episcopis præcipiebat, ut quan- Angl. t. 15.
 tocius suas diœceses lustrarent, eaque o. 376.
 in re leges nuper promulgatas exeque-
 rentur: hinc illis erat injunctum, ut
 omnes leges Ecclesiasticas, quæ vivente
 Henrico Mariæ Patre observabantur, in
 usum deducerent, nec ultra in senten-
 tiis ad Episcopale forum spectantibus
 Henrici nomen apponerent, minus vero
 a Clericis juramentum, quo hi se Re-
 gem tanquam supremum Anglicanæ
 Ecclesiæ caput veneraturos spondebant,
 deinceps exigent, aut cuidam de hæ-
 resi suspecto sacros Ordines conferrent.
 Juebantur etiam omnem adhibere co-
 natum,

Sæcul. XVI
A. C. 1554
 natum, ut errores reprimerentur, hæretici debitas luerent pœnas, omnesque libri, ac cantilenæ non sine populi offensione, ac omnis honestatis læsione editæ supprimerentur. Curarent insuper, ut Sacerdotes sacrilegis nuptiis copulati ejicerentur, aut saltem a suis uxoribus secedere compellerentur, alii vero Ecclesiis Parochialibus Presbyteri ejusmodi connubia detestantes præficerentur, vel saltem illis ex beneficiis, quæ ipsis auferrentur, pensio constitueretur; nequaquam vero Religiosi continentiae voto obstricti uxores suas retinerent, nec non deinceps omnes Ecclesiæ ritus, festa, ac jejunii dies, prout regnante Henrico VIII. in usu fuerat, conservarentur. Præterea Diocesano Episcopo injungebatur, ut ea suppleret, quæ defunt eorum inaugurationi, qui juxta ritum ab Eduardo VI. introductum, proin modo haud quaquam legitimo Ordinibus fuere initiati. Denique Episcopis præcipiebatur, ut communi consensu Homilias ad unanimum doctrinæ rationem rursus introducendam conscriberent, gregemque sibi commissum, ut Divino officio in Ecclesiis interfit, obstringerent: infantes vero Christianæ doctrinæ præceptis sedulo imbuerent. Hæc mandata diē quarta Martii fuere signata, exeunte autem

autem eodem Mense Regina quosdam Sæcul. XVI.
A.C. 1554.
nominabat Commissarios, quorum princeps erat Gardinerus: His demandata est sollicitudo, ut Ecclesias a Clericis conjugatis expurgarent, unde præprimis quatuor Episcopi, nimirum Cestriensis, S. Davidis, & Bristoliensis, & Eboracensis Archiepiscopus, ac paulo post Lincolnensis, Glocestriensis & Herefordiensis Episcopi, qui omnes secta Protestantes erant, Sede sua ejiciebantur, aliis & quidem Catholicis a Regina in eorum locum subrogatis.

§. XIII.

Sacerdotum matrimonia scriptis impugnata, necnon Missæ Sacrificium in Anglia restauratum.

Ut Religionis studium, quo Regina Burnet hist. de Ref. t. 2. l. 2. p. 415.
fervebat, a calumniis vindicaretur, Sander. de schism. Angl. l. 2. p. 331.
plures contra incæstas Clericorum nuptias suos stringebant calamos. Hos inter præprimis Smithus librum suum de Sacerdotum cœlibatu magis auctum iterato prælo edebat: alius vero juris Doctor nomine Martinus circa idem argumentum quemdam librum, ad quem perficiendum ipse etiam Gardinerus operam suam contulisse creditur, evulgabat. Insuper juxta prioris Senatus legem